

SKUPŠTINA KANTONA SARAJEVO

Z A P I S N I K

**SA 35. RADNE SJEDNICE SKUPŠTINE KANTONA SARAJEVO, ODRŽANE
15.11.2017. GODINE SA POČETKOM RADA U 10,00 SATI**

Sarajevo, novembar 2017.

Predsjedateljica Ana Babić (U daljem tekstu: Predsjedateljica) je pozdravila sve prisutne i otvorila 35. Radnu sjednicu Skupštine Kantona Sarajevo.

Prema evidenciji Službe na samom početku sjednice je prisustvovao 31 zastupnik.

Izostanak sa ove sjednice su opravdale: Segmedina Srna Bajramović i Bibija Kerla.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Mešanović Safet
7. Kozadra Muhamed
8. Mašović Amor
9. Okerić Elmedin
10. Prevljak Fikret

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Bajrović Izudin
3. Filipović Selma
4. Marić Zvonko
5. Rađo Dževad
6. Rasim Lakota

SOCIJALDEMOKRATSKA PARTIJA BOSNE I HERCEGOVINE

1. Šućur Slaviša

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel
4. Akšamija Goran
5. Dizdarević Neira
6. Bukva Sejo
7. Mehmedagić Mersiha
8. Pindžo Mirsad

9. Vukasović Mario
10. Fahrudin Pecikoza

- 0 -

Prijedlog dnevnog reda 35. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana **02.11.2017.godine**.

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – (Drugi novi prečišćeni tekst, br: 41/12, 15/13, 47/13, 47/15 i 48/16), Kolegij Skupštine Kantona Sarajevo, dana 10.11.2017. godine, prihvatio je zahtjev da se Prijedlog dnevnog reda 35. Radne sjednice, dopuni sa sljedećim tačkama:

1. Prijedlog zakona o izmjenama i dopunama Zakona o uređenju saobraćaja na području Kantona Sarajevo - hitni postupak; (razmatraće se kao tačka 4.)
2. Prijedlog zakona o izmjeni i dopuni Zakona o dopunskim pravima boraca - branitelja Bosne i Hercegovine - hitni postupak; (razmatraće se kao tačka 5.)

-0 -

U skladu sa odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda.

U okviru prethodnog postupka uslijedilo odlučivanje o donošenju Prijedloga zakona o izmjenama i dopunama Zakona o uređenju saobraćaja na području Kantona Sarajevo po hitnom postupku.

Uvodne napomene je podnio ministar saobraćaja Mujo Fišo.

Pitanja i rasprave nije bilo pa je predsjedateljica pozvala zastupnike da se izjasne o prijedlogu da se Prijedlog zakona o izmjenama i dopunama Zakona o uređenju saobraćaja na području Kantona Sarajevo razmatra po hitnom postupku.

SKUPŠTINA JE JEDNOGLASNO (29 “ZA”) PRIHVATILA DA SE PRIJEDLOG ZAKONA O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO RAZMATRA PO HITNOM POSTUPKU.

-0-

Također, u okviru prethodnog postupka uslijedilo je odlučivanje da se Prijedlog zakona o izmjeni i dopuni Zakona o dopunskim pravima boraca - branitelja Bosne i Hercegovine po hitnom postupku.

Uvodne napomene podnio je zastupnik Mirsad Pindžo kao predlagač ovih izmjena i dopuna.

PREDSJEDATELJICA JE POZVALA ZASTUPNIKE DA SE IZJASNE O TOME DA LI ĆE SE PRIJEDLOG ZAKONA O IZMJENI I DOPUNI ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE RAZMATRATI PO HITNOM POSTUPKU I SKUPŠTINA JE JEDNOGLASNO (31 “ZA”) PRIHVATILA DA SE OVAJ PRIJEDLOG ZAKONA RAZMATRA PO HITNOM POSTUPKU.

UTVRĐIVANJE DNEVNOG REDA

Skupština Kantona Sarajevo za 35. Radnu sjednicu je jednoglasno (31 “za”) usvojila sljedeći

DNEVNI RED:

1. Poslanička/zastupnička pitanja, inicijative i odgovori;
2. Nacrt Budžeta Kantona Sarajevo za 2018.godinu;
3. Nacrt zakona o izvršavanju Budžeta Kantona Sarajevo za 2018. godinu;
4. Prijedlog zakona o izmjeni i dopuni Zakona o dopunskim pravima boraca - branitelja Bosne i Hercegovine - hitni postupak;
5. Prijedlog zakona o izmjeni i dopuni Zakona o dopunskim pravima boraca - branitelja Bosne i Hercegovine- hitni postupak;
6. Prijedlog odluke o proširenju djelatnosti Javne ustanove Fakultet sporta i tjelesnog odgoja Sarajevo na djelatnost obrazovanja odraslih;
7. a) Prijedlog odluke o davanju saglasnosti na tekst Sporazuma kojim se Općina Centar Sarajevo i Kanton Sarajevo obavezuju da povuku tužbeni i protivtužbeni zahtjev;

b) Prijedlog odluke o davanju saglasnosti na tekst Ugovora o korištenju dijela poslovne zgrade između Općine Centar Sarajevo i Kantona Sarajevo.
8. Izvještaj o stanju u oblasti zapošljavanja u Kantonu Sarajevo za 2016.godinu;
9. Elaborat - Inicijativa za osnivanje JU Naučni centar za podršku inkluziji;
10. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo;

Kao informativni materijal, zastupnicima su dostavljeni:

- Izvještaj o radu Policijskog komesara za period maj-august 2017. godine;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec septembar 2017. godine;
- Informacija o stanju kriminaliteta, javnog reda i mira i saobraćaja na području Kantona Sarajevo za period januar - septembar 2017. godine;

- 0 -

Prije realizacije prve tačke dnevnog reda razmatran je Zapisnik sa Stenogramom 33. Radne sjednice Skupštine Kantona Sarajevo.

a)

Skupština je bez primjedbi, jednoglasno (29 “za”) potvrdila Zapisnik 33. Radne sjednice Skupštine Kantona Sarajevo održane 02.10.2017.godine i 09.10.2017.godine.

Uslijedila je realizacija prve tačke dnevnog reda.

AD – 1.

ZASTUPNIČKA PITANJA I INICIJATIVE

Zastupnik Dževad Rađo je podnio inicijativu kako slijedi:

“Hvala lijepo predsjedavajuća. Pozdravljam vas, vaše saradnike, kolegice zastupnice, kolege zastupnike, članove Vlade na čelu s premijerom i naravno sve građane Kantona. Prije skoro osam mjeseci uputio sam inicijativu prema Vladi Kantona Sarajevo a koja se tiče Uredbe o opštim uslovima za proizvodnju, isporuku i korištenje toplotne energije Vlade Kantona Sarajevo. Na 31. radnoj sjednici Skupštine Kantona Sarajevo sam postavio navedenu inicijativu te zahtijevao da mi se odgovori na istu u što kraćem roku ali odgovora do danas nisam dobio. Tražim da mi se kaže usmeno zašto do danas nisam dobio odgovor, te tražim da mi se odgovor na inicijativu dostavi u pisanom obliku u što kraćem roku. U prilogu dostavljam inicijativu kao i obrazloženje iste.”

Zastupnik Nermin Bjelak je postavio pitanja:

“Hvala predsjedavajuća. Pozdravljam vas kao i sve prisutne u sali i gledaoce Kantona Sarajevo. Ja ću danas imati dva pitanja. Jedno će biti pitanje upućeno ministru saobraćaja. Drugo će biti pitanje upućeno ministru obrazovanja, nauke i mladih. Poštovani ministre obrazovanja prije otprilike nekih 1,5 mjesec postavio sam četiri zastupnička pitanja, međutim do dan danas nisam dobio odgovor. Pa bih volio da mi odgovorite usmeno, pošto sva ova moja pitanja imate u pismenoj formi, tako na kraju ove tačke želim vaš usmeni odgovor, naravno i u pismenoj formi.

Drugo pitanje će biti upućeno uvaženom ministru Muji Fišu da mi da odgovor na pitanje dokle se došlo sa izmjenom Zakonoma o taksi prevozu u Kantonu Sarajevo jer je na jednoj od prošlih sjednica povučena tačka gdje uvaženi ministar predložio izmjenu Zakona o taksi prevozu. Također bih volio odgovor u pismenoj formi, naravno i usmenoj radi građana Kantona Sarajevo. Hvala.”

Zastupnik Predrag Kojović je podnio inicijativu:

“Zahvaljujem predsjedavajuća. Pa ovo je jedna inicijativa, a ja bih rekao više sugestija Ministarstvu komunalne privrede. Naime, jedna od naših najljepših ulica na Baščaršiji, Kazandžiluk, rasvjeta se pokvarila, ne radi. Ja sam svjestan da je ovo dio Sarajeva koji je pod nacionalnom zaštitom i da dosta toga zahtijeva reakciju federalnih organa i možda neki novi plan rasvjete, ali bih zaista molio ministra, s obzirom da j pokvarena način da je ugrožena bezbjednost pješaka koji tamo sada prolaze navečer, a imamo jako puno turista u tom dijelu grada, volio bih da Ministarstvo pogleda malo šta može učiniti po tom pitanju, ako može da nam dostavi neku informaciju u smislu šta planira uraditi. Hvala.”

Zastupnik Mirza Čelik je podnio inicijative:

“Zahvaljujem predsjedavajuća. Pozdravljam sve prisutne kao i gledaoce pored malih TV ekrana. Ja imam dvije inicijative koje sam objedinio u jednu inicijativu i sada ću da je pročitam.

Pokrećem inicijativu u ministarstvu saobraćaja da napravi elaborate opravdanosti za

1. Izgradnju tramvajske pruge od Ilidže do Hrasnice,
2. Izgradnja vertikalnog transporta (žičare) Hrasnica-Hrasnički stan-Veliko Polje-Bjelašnica.

Obrazloženje ću dostaviti u pismenoj formi. Hvala.”

Zastupnica Selma Filipović je podnijela sljedeće:

“Hvala predsjedavajuća. Koristim priliku da pozdravim sve prisutne kao i gledaoce pored malih ekrana. Molim Ministarstvo za obrazovanje, nauku i mlade da mi dostave podatke o nacionalnoj i polnoj strukturi rukovodnog osoblja UNSA, kao i rukovodstava fakulteta, akademija i instituta UNSA; kao i podatke o procentu učešća žena u ukupnom broju uposlenika na UNSA. Hvala lijepo.”

Zastupnik Zvonko Marić je podnio sljedeće:

“Zahvaljujem predsjedavajuća. Pozdravljam sve prisutne naravno i poseban pozdrav gledateljima koji prate prijenos ove sjednice. Ja sam na prošlom zasjedanju u svojevrsnoj formi inicijative postavio i nekoliko pitanja vezanih zbog čega ne dobijamo odgovore na zastupnička pitanja, pa na neki način doživljavaju mnogo ovu instituciju koja se zove zastupnička pitanja i inicijative kao svojevrsnu predstavu za građane. Potpuno je bespredmetno da u buduće postavljamo pitanje ili ćemo naći nek drugi način jer mi ta pitanja ne postavljamo, podsjećam, zbog sebe. Ako treba, ja ću na svako pitanje koje postavim kao zastupnik dati odgovor. Ali mi to činimo zbog onih koji su nas birali. Ta neodgovornost nije moj manir da generaliziram određenih državnih službenika, ministara koji su odgovorni da nam daju odgovor na naša pitanja, zaista je mogu vam reći urušava ugled Vlade i nas kao ljudi koji sjedimo u parlamentu i samo parlamenta i ako ne vodimo računa o tome i pogledamo poražavajuću statistiku ovih odgovora onda ćemo vidjeti da to ide na konto Vlade, odnosno uspjeha ili neuspjeha njenog djelovanja. Mi treba jasnu poruku da pošaljemo ovdje, građanima da sjede odgovorni ljudi možda sada sa dubokim ,ogromnim političkim razlikama, ali sa zajedničkim ciljevima da doprinesemo napretku ovoga društva i nemoj niko da postavi ovdje pitanje gdje su te inicijative i prijedlozi da se nešto bolje učini. Pa zato što nismo dobili odgovore na ta pitanja, a iz tih odgovora proistiću inicijative da se mijenja stanje. A ne da nas oni lažu, varaju, friziraju izvještaje, nipodaštavaju, ruše ugled ovog doma. Zato smatram da i tumaramo iz dana u dan a da ne bi to više bilo ja molim evo sad već ministra Nenadića, ministra pravde da se potruži i uradi jedan svojevrsni dokument koji će predvidjeti i odgovornost ljudi koji trebaju da nam daju zakonom obavezne odgovore na ono što postavljamo. Da se predvide sankcije ko ih može sankcionirati i u kojem obimu. I mi smo sankcionirani ako ne izvršavamo naše zakonske obaveze vodje, zašto bi oni bili pošteđeni. Koji je to sloj društva koji se može oglušiti na ono što traži najviše zakonodavno tijelo i onih ljudi koji sjede u tom tijelu i onih ljudi koji sjede u tom tijelu. Ko ima pravo da narušava dignitet ovog doma? Kakvu mi poruku javnosti šaljemo, to je sramno. I zato molim vas ministre Nenadiću u obliku nekog prijedloga da se uradi po hitnom postupku tako nešto jer ovo postaje potpuno besmisleno.

I moje drugo pitanje molio bih ako je moguće da dobijemo podatke koliko je krivičnih prijava Antikorupcijski tim podnio do sada i protiv koga. Ako ste odlučili kao Vlada.

(ne čuje se) Bukvalno rečeno, ako ste odlučili da ostane u sferi strogo povjerljivog neka tako i bude. Hvala vam.”

Zastupnik Edin Forto je podnio inicijativu i postavio pitanje kako slijedi:

“Dobar dan svima. Imam jedno pitanje i inicijativu- pitanje je za ministra komunalne privrede i infrastrukture. Da li u kojem procentu su doznačen sredstva u 2017? Mi nismo dobili izvođenje budžeta do sada pa nemamo ovaj podatak. Da li i u kojem procentu su doznačena sredstva KJKP PARK sa stavke Učešće u finansiranju programa održavanja zelenih površina sa šest opština. Radi se o 1.944.000 KM: ovo pitanje dobijamo sa terena jer puno ljudi iz lokalne zajednice su nezadovoljni održavanjem zelenih površina. I želimo da vidimo kako su ova sredstva utrošena. Znači bilo je bitno da vidimo kako su doznačena sredstva i na koje tačno aktivnosti su tačno ova sredstva utrošena. Ministar će dobiti ovo u pisanoj formi.

Moje drugo pitanje ustvari inicijativa nešto sa čim smo se svi sreli a to je činjenica kada želite bilo koji posao administrativni završiti u sudu sarajevskom da ili u ZK uredu ili samom sudu morate ići na potpuno izmještenu lokaciju i jedinu lokaciju gdje je moguće uzeti taksene marke. Potpuno je

apsurdno a se iza nekakve administrativne procedure da sud ne može uzimati novac ili naplaćivati ne znam ti šta. Apsurdno je da ne može se jedan kiosk ili psotojeći kiosk u zgradi suda napraviti gdje se mogu nabaviti taksene marke. Moja inicijativa je sljedeća da se ova lokacija sadašnje zgrade ZOI'84 u blizini Narodnog pozorišta izmjesti i da se locira u zgradi suda gdje se ta taksene marke i koriste. Hvala vam.”

Zastupnica Mersiha Mehmedagić je dala komentar kako slijedi:

“Hvala uvažena predsjedavajuća. Pozdravljam sve prisutne kao i građane Kantona Sarajevo koji prate današnje zasjedanje. Nemam novih pitanja niti inicijativa samo ću podsjetiti na nema pitanja odnosno inicijative koje sam podnijela ranije a još uvijek nisam dobila adekvatan odgovor. Ministarstvo zdravstva sam uputila zastupničko pitanje vezano za osnovni paket zdravstvenog osiguranja za neosigurana lica, odnosno finansirane istog. Ovo pitanje sam postavila dovoljno ranije da bi upravo prije nacрта koji ćemo danas razmatrati Ministarstvo moglo napraviti adekvatnu procjenu i planirati određena sredstva pa molim ministricu da mi odgovori. Dalje, pitala sam ministarstvo privrede da mi dostavi informaciju o podsticajima razvoju male privrede odnosno njihovom utrošku i efektima. Dobila sam šturi odgovor i kako i samo Ministarstvo naznačilo ne mogu mi dati kompletnu informaciju. Ali mi je zato ministarstvo finansija može vjerujem dati kompletnu informaciju vezano za kreditno garantni fond koji realizuje se preko SERDE, te ih molim da mi dostav informaciju o ugovorim realizovanim preko kreditno garantnog fonda i broju novih radnih mjesta koja su otvorena. I također ću podsjetiti na nešto o čemu govorim već godinu dana da nikad nisam dobila odgovor na to a tiče se uposlenika, odnosno predškolskog kolektivnog ugovora za predškolsko i osnovno obrazovanje. Radi se o diskriminaciji uposlenika sa VI stepenom spram uposlenika sa I ciklusom Bolonje. Te molim potpisnike kolektivnog ugovora da konačno odgovore na ovo pitanje a u prilogu ću dostavit dokumentaciju odnosno pisma koja su zainteresovane strane, odnosno zainteresovana oštećena strana uputili Vladi Kantona Sarajevo odnosno Ministarstvu za obrazovanje, nauku i mlade. Sindikatu koji je trebao zaštititi njihovo pravo, i naravno premijeru Kantona Sarajevo. Toliko hvala.”

Zastupnik Mario Vukasović je postavio pitanja kako slijedi:

“Zahvaljujem predsjedavajuća. Imam danas pripremljena dva pitanja, jedno je upućeno vama predsjedavajućoj Skupštine Kantona Sarajevo. Prije neko vremena smo na dnevniku jedne od TV imali priliku čuti vašu izjavu da će se na nekoj od narednih sjednica skupštne Kantona Sarajevo naći Inicijativa za izmjenu naziva škola Mustafe Busuladžić. U vašoj izjavi ste izjavili da priznajete da je vaša stranka pogriješila kada je glasala z ovu promjenu naziva i da se kajete i da osjećate grižnju savjesti te bih zamolio da mi odgovorite na kojih sjednici i da li će se naći ova inicijativa na dnevnom redu ponovo s obzirom da ste javno i u medija najavili. Druga inicijativa odnosno pitanje jeste ponovljeno pitanje a koje nisam dobio odgovor ni od Vlade ni od sekretara Vlade Kantona Sarajevo a inicijativa je glasila da se svi materijali Vlade Kantona Sarajevo objavljuju na web stranici Vlade kao što je to slučaj sa materijalima za skupštinu Kantona Sarajevo. Smatram da bi navedeno olakšalo i doprinijeli boljem radu zastupnika u Skupštini Kantona Sarajevo ali u ukupnoj transparentnosti u Vladi Kantona Sarajevo. Mi osim tačaka koje dolaze na Skupštinu Kantona Sarajevo nemamo apsolutno nikakvih informacija šta se dešava na Vladi i koji se materijali razmatraju. S obzirom da smatram da nema zakonskih prepreka te da se mogu istovjetno kao materijali Skupštine Kantona Sarajevo objavljivati zamolio bih, s obzirom da sekretar Vlade nije odgovorio, zamolio bih da premijer kao predstavnik Vlade odgovori da li se slaže sa ovom inicijativom i da li postoji prepreka da se ona realizuje. Zamolio bih usmene odgovore na oba pitanja. Zahvaljujem.”

Zastupnik Eldar Čomor je pokrenuo inicijativu:

“Hvala predsjedavajuća. Sve vas selamim i pozdravljam. Pokrećem inicijativu za izmjene i dopune Zakona o šumama Kantona Sarajevo. Pošto imam malo duži tekst i obrazloženja odmah ću krenuti.

U članu 44. Zakona o šumama koj i između ostalog propisuje da je zabranjen promet državnih šuma i šumskih zemljišta potrebno je isti konkretizovati u smislu da li je i eksproprijacija promet šuma i šumskog zemljišta. Te da li je uopće moguće provesti postupak eksproprijacije šuma i šumskog zemljišta? Ovo posebno jer stav 2 ovoga člana propisuje da je promet državnih šuma moguće vršiti samo u svrhu arondacije i komesacije.

Član 55 stav 2 Zakona o šumama propisuje da ugovor kojim se uspostavlja uslužnost na šumi i šumskom zemljištu u državnom vlasništvu zaključuje se između korisnika i ministarstva. Međutim u praksi imamo drugu situaciju gdje se u predloženim ugovorima o uspostavi prava uslužnosti kao supotpisnik pojavljaju i JKP Sarajevo šume. Obzirom da je isto preduzeće u zemljišno knjižnim ulošcima upisano kao nosilac prava raspolaganja. Vezano za naprijed navedeno, isti bi se trebao dopuniti da se tačno navede ko potpisuje ugovore o uspostavi prava uslužnosti na šume u šumsko zemljištu. Potrebno je naglasiti da Zakon o šumama što prije potrebno usaglasiti i uskladiti sa zakonom o stvarnim pravima i zakonom o imovini Kantona Sarajevo. Ovo je posebno jer su prema članu 40 Zakona o šumama šume i šumsko zemljište u državnom vlasništvu i vlasništvu fizičkih i pravnih lica. Međutim u praksi je situacija da su preduzeća Sarajevo šume upisani kao nosilac prava raspolaganja na šumi i šumskom zemljištu a što se onda poistovjećuje da isti imaju vlasništvo na šume i šumskim zemljištem. Dakle u Zakonu o šumama bi trebalo ugraditi odredbe da su šume i šumska zemljišta u državnom vlasništvu uknjiže na starog vlasnika i da se u skladu s tim uskladi zemljišno knjižno stanje šume i šumskih zemljišta. Također potrebno je da se odredi organ koji će biti nadležan za provedbu postupka usklađivanja vlasništva prema Zakonu o imovini Kantona Sarajevo, Kanton Sarajevo preuzima imovinu Grada Sarajevo, općina koje ulaze u sastav Kantona Sarajevo. To podrazumijeva i šume i šumsko zemljište. Neophodno je znači utvrditi pravu vlast, pravo vlasništva na šumama i šumskom zemljištu jer samo taj titular može odlučivati o promjeni vlasničkog statusa šume i šumskog zemljišta. Mi danas imamo probleme u šumi, zbog bespravne sječe šuma, u članu 72 tretiraju se čuvari šuma lugari, oni po ovom zakonu nemaju nikakve odgovorni. Niti sankcije. Treba uvesti sankciju za čuvare šuma, odnosno lugare. I treba krenuti ka ovim novim tehnologijama uvođenja elektronskih izvještaja dnevnika, softvere kako bi praćenje stanja u ovoj oblasti bilo efikasnije, brže i bolje. Hvala.”

Zastupnik Hamed Aljović je podnio sljedeće:

“Zahvaljujem predsjedavajuća. Selamim i pozdravljam sve prisutne. Moje pitanje upućeno prema KJKP Toplane Sarajevo. Molim KJKP Toplane Sarajevo da mi odgovori da li je tačno da su u tekućoj kalendarskoj godini najuži članovi porodice nekih zastupnika u Skupštini Kantona Sarajevo zaposleni i ako jeste na koji način su ove osobe zaposlene, javnim konkursom ili direktnim sporazumom? Da li je za ovo zapošljavanje dobijena prethodna saglasnost Vlade, na koji period su zaposlene osobe, na određeno ili na neodređeno vrijeme? Zahvaljujem.”

Zastupnik Amel Mekić je postavio sljedeća pitanja:

“Hvala vam predsjedavajuća. Prvo želim da pozdravim sve gledaoce ispred TV ekrana, uvaženog premijera, ministre, poslanike i naravno sve goste. Pitanje za ministre, gđu Amelu Dautbegović, gđu Zilhu Ademaj, gđina Elvira Kazazovića. Da li postoji način da se DL studentima pomogne da ne izgube pravo na zdravstveno osiguranje, PIO i MIO zbog toga što nisu redovni studenti? Šta ova tri ministarstva planiraju preduzeti da se zaštiti ova kategorija studenata. Imam informaciju da je direktor JU Službe za zapošljavanje Kantona Sarajevo 07.11.2017.godine uputio predmet Prijedlog odluke o izmjenama i dopunama Odluke o utvrđivanjima osnovica stopa i načina

obračunjavanja i uplate doprinosa za obavezno zdravstveno osiguranje na području Kantona Sarajevo na tri ministarstva. Ministarstvo zdravstva Kantona Sarajevo, Ministarstvo za obrazovanje, nauku i mlade Kantona Sarajevo, i ZZO Kantona Sarajevo. I pročitao bih član 1 u tački i) koja izmjena treba da se uradi to je za učenike i studente da se zamjenjuju sa riječima „, za učenike i studente na redovnom školovanju, kao i studente koji studiraju učenjem na daljinu do 26 godine starosti“. Evo ja sam i pripremio ako treba da pročitam i obrazloženje predloženih pravnih rješenja. Ostatak ću sve predati i hvala vam.”

Zastupnica Neira Dizdarević je pokrenula inicijativu kako slijedi:

“Hvala uvažena predsjedavajuća. Ja pozdravljam sve prisutne u Sali kao i gledatelje ispred malih ekrana. Pa s obzirom da danas razmatramo Nacrt budžeta za 2018.godinu u kojem su između ostalog predviđena i određena sredstva za kapitalne transfere JU Zavod za hitnu medicinsku pomoć, ja ovim putem upućujem zastupničku inicijativu Vladi, odnosno Ministarstvu zdravstva Kantona Sarajevo za nabavku određenog broja sanitarnih vozila za JU Zavod za hitnu medicinsku pomoć, tzv. kedija koj i bi bili adekvatni za intervencije u padinskim dijelovima grada gdje su ulice toliko uske da standardno vozilo hitne pomoći nema pristup. Prema informacijama kojima ja raspolazem, a mogu se naravno i provjeriti, u takvim slučajevima primjerice na području Opštine Stari Grad uposlenici Hitne pomoći su prinuđeni do samih pacijenata stizati pješice. To naravno usporava i otežava intervencije gdje svaka sekunda može biti presudna. Nadam se da će Ministarstvo zdravstva a Kantona Sarajevo uzeti u obzir moju zastupničku inicijativu. I imam zastupničko pitanje koje upućujem KJP ZOI'84 za dostavu informacije o službenim sezonskim ski kartama. Dakle, molim da mi se dostave podaci o broju dodijeljenih službenih ski karata za sezone 2014/15, 2015/16 i 2016/17, kao i kriterij za dodjelu istih, te planirani broj službenih ski karata koje će biti podijeljene u skijaškoj sezoni 2017/18. s obzirom da iste imaju samo logo KJP ZOI, odnosno ne glase na ime i prezime osobe koja ostvaruje pravo na službenu ski kartu, zbog mogućnosti eventualnih zloupotreba ja predlažem, pokrećem inicijativu da se u budućnosti ove ski karte glase na ime i prezime uposlenika, odnosno lica koja ostvaruju pravo na istu, kako bi smo spriječili eventualne zloupotrebe i možda tu doprinijeli nekim finansijskim efektima s obzirom da je u posljednje vrijeme bilo dosta polemike o cijenama ski karata. Toliko hvala.”

Zastupnica Sabina Ćudić je postavila sljedeće:

“Hvala predsjedavajuća. Pozdrav svima. Moje pitanje je za ministarstvo obrazovanja, voljela bih dobiti usmeni odgovor od ministra obrazovanja za kog evo vidim da nije ovdje pa možda bi premijer mogao odgovoriti ili neko drugi ko bi mogao ponuditi odgovor na ovo pitanje, a to, koja je sudbina djece sa posebnim potrebama polaznika vrtića JU Mjedenica koja pohađaju ovu ustanovu po programu Edus čiji ugovor za prostorno rješenje ističe u decembru bez mogućnosti produženja barem s ovim postojećim specijalnim JU. Što znači da ćemo sa krajem ove godine imati ogroman broj djece nezbrinute uključujući i onih 40 koji su trenutno na listi čekanja. Ja znam da mi danas imamo Elaborat ove organizacije na dnevnom redu, ali taj Elaborat bi zahtijevao ozbiljna ulaganja i dugoročno rješenje. Nas interesuje šta se će se desiti konkretno sa ovom djecom, zaključno sa narednim mjesecom, odnosno sa krajem ove godine i koja rješenja Vlada planira da ova djeca pohađaju program i nastave sa nastavom, te da se uključe ona djeca koja su na čekanju do kraja školske godine 2017/2018. poseban je naglasak, iako smo svjesni da predškolsko obrazovanje nije obavezno, da se ovdje radi o djeci kojima je rana intervencija presudna za razvoj te je svaki dan a da ne govorimo o godinama izuzetno važan. Hvala.”

Predsjedateljica Ana Babić je podnijela sljedeću inicijativu:

“Hvala lijepo uvažena zastupnice Ćudić. Evo pošto nema više niko za javljanje, koristim priliku ja imam jednu inicijativu koju upućujem prema izvršnim institucijama BIH. A tiče se nečega što je

jako bitno. Pa pitam i vas, poštovane kolege, da li znate tačno definiciju šta je himna? Kako god riječ je o reprezentativnoj pjesmi koja se svira ili pjeva u svim svečanim i službenim prilikama. Himna je pjesma o domovini koja uvijek i uvijek veliča povijest jedne države, veliča tradiciju i veliča napore kroz koje je jedan narod prošao. Razmislite dobro. Himna je priča o svim ljepotama koje nakon svih dešavanja možemo pokazati ili možda bolje ih otpjevati. Bosna i Hercegovina je ponosna i snažna, zaslužuje himnu, i sada kada je opet nemamo, vrijeme je da se stvari poslože i da ovakve budu mnogo jasnije. Koliko godina jedna predivna melodija zjapi bez teksta, zbog čega ga nemamo? I da li imamo krivicu za to? Trebamo li uopće spominjati našu povijest, tradiciju? Trebamo li pričati o našem narodu, jedinstvenom karakteru i tolikim različitostima u odnosu na sve ostale. Ne zaslužuje li jedna država kao što je BiH himnu sa tekstom, a imamo melodiju, zaslužujemo li, trebamo li vrijeme i do kada će to trajati. Poslije ovoga kada dobijemo sve odgovore, ja ću insistirati da se Skupština izjasni o ovoj inicijativi. Hvala lijepo. Sada odgovori. Bilo je dosta upita. Izvolite uvaženi ministre Fišo.”

Odgovore na pitanja zastupnika dali su: ministar saobraćaja Mujo Fišo, ministar komunalne privrede Senad Hasanspahić i ministar za obrazovanje, nauku i mlade Elvir Kazazović i premijer Elmedin Konaković

Za inicijativu za konačno dobivanje teksta himne Bosne i Hercegovine glasalo je 18 zastupnika, dok 14 zastupnika nije pristupilo glasanju. Inicijativa će biti upućena nadležnim institucijama BiH.

AD – 2.

NACRT BUDŽETA KANTONA SARAJEVO ZA 2018.GODINU

Nacrt Budžeta su zastupnici dobili uz poziv za sjednicu.

Uvodne napomene po ovom Nacrtu podnio je ministar finansija Jasmin Halebić.

Pitanja i diskusiju po Nacrtu budžeta Kantona Sarajevo za 2018.godinu imali su sljedeći zastupnici/zastupnice: Edin Forto, Selma Filipović, Vukasović Mario, Zvonko Marić, Slaviša Šućur, Izudin Bajrović, Neira Dizdarević, Sejo Bukva, Goran Kašamija, Mersiha Mehmedagić, Eldar Čomor i Kemal Ademović.

Odgovore na pitanja zastupnika dali su ministar Senad Hasanspahić, ministar Mujo Fišo, ministar Čedomir Lukić, ministar Elvir Kazazović, ministar Muharem Šabić, ministar Jasmin Halebić i premijer Elmedin Konaković.

NAKON ZAKLJUČENE DISKUSIJE, PREDSJEDATELJICA JE POZVALA ZASTUPNIKE NA IZJAŠNJAVANJE I NAKON IZJAŠNJAVANJA, KONSTATOVANO JE DA JE SKUPŠTINA KANTONA SARAJEVO PO NACRTU BUDŽETA KANTONA SARAJEVO ZA 2018.GODINU VEĆINOM GLASOVA (32 “ZA” I 1 “SUZDRŽAN”) DONIJELA SLJEDEĆE

ZAKLJUČKE:

1. Utvrđuje se Nacrt Budžeta Kantona Sarajevo za 2018.godinu;

2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **20 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Budžeta Kantona Sarajevo za 2018.godinu.

AD – 3.

NACRT ZAKONA O IZVRŠAVANJU BUDŽETA KANTONA SARAJEVO ZA 2018. GODINU

Nacrt zakona su zastupnici dobili uz poziv za sjednicu.

Uvodne napomene podnio je ministar finansija Jasmin Halebić. Diskusije nije bilo.

PREDSJEDATELJICA JE POZVALA ZASTUPNIKE NA IZJAŠNJAVANJE I NAKON IZJAŠNJAVANJA, KONSTATOVANO JE DA JE SKUPŠTINA KANTONA SARAJEVO PO NACRTU ZAKONA O IZVRŠAVANJU BUDŽETA KANTONA SARAJEVO ZA 2018. GODINU JEDNOGLASNO (31 “ZA”) DONIJELA SLJEDEĆE

1. Utvrđuje se Nacrt Zakona o izvršavanju Budžeta Kantona Sarajevo za 2018. godinu;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **20 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o izvršavanju Budžeta Kantona Sarajevo za 2018. godinu.

AD – 4.

PRIJEDLOG ZAKONA O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO - HITNI POSTUPAK

Ovaj prijedlog zakona zastupnici su dobili u dopunskom materijalu.

Uvodne napomene podnio je ministar saobraćaj Mujo Fišo i nakon njegovog izlaganja, pitanja i diskusiju imao je zastupnik Edin Forto.

Naša stranka je podnijela amandman na ovaj Prijedlog zakona i amandman je prihvaćen na samoj sjednici od strane Vlade.

Amandman I

U članu 3. brišu se riječi „prilikom obavljanja redovnih aktivnosti“.

Obrazloženje:

Što se znači odnosi na ovo da ne mogu vozila u redovnim aktivnostima preko 3,5 ne smiju ulaziti u pješačku zonu jer to pravi veliku materijalnu štetu. Bez obzira na njihovo obrazloženje. Ako su neke vanredne okolnosti, tipa požara, pa moraju ići vatrogasci ili mora ući, to je drugo.

NAKON RASPRAVE PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO - HITNI POSTUPAK

NAKON IZJAŠNJAVANJA PREDSJEDATELJICA JE KONSTATOVALA DA JE SKUPŠTINA VEĆINOM GLASOVA (26 “ZA I 1 “PROTIV”) DONIJELA ZAKON O IZMJENAMA I DOPUNAMA ZAKONA O UREĐENJU SAOBRAĆAJA NA PODRUČJU KANTONA SARAJEVO.

AD –5.

PRIJEDLOG ZAKONA O IZMJENI I DOPUNI ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE - HITNI POSTUPAK;

Ovaj prijedlog zakona zastupnici su dobili u dopunskom materijalu.

Uvodnih napomena nije bilo, pa se za pitanje i diskusiju prijavio zastupnik Semir Halilović. Odgovore na pitanja zastupnika Halilovića dali su zastupnik Mirsad Pindžo kao predlagač i premijer Elmedin Konaković.

NAKON RASPRAVE PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZMJENI I DOPUNI ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE - HITNI POSTUPAK.

NAKON IZJAŠNJAVANJA PREDSJEDATELJICA JE KONSTATOVALA DA JE SKUPŠTINA JEDNOGLASNO (29 ”ZA”) DONIJELA ZAKON O IZMJENI I DOPUNI ZAKONA O DOPUNSKIM PRAVIMA BORACA - BRANITELJA BOSNE I HERCEGOVINE.

AD – 6.

PRIJEDLOG ODLUKE O PROŠIRENJU DJELATNOSTI JAVNE USTANOVE FAKULTET SPORTA I TJELESNOG ODGOJA SARAJEVO NA DJELATNOST OBRAZOVANJA ODRASLIH

TAČKA JE SKINUTA SA DNEVNOG REDA NA PRIJEDLOG PREMIJERA KONAKOVIĆA.

AD –7.

A)PRIJEDLOG ODLUKE O DAVANJU SAGLASNOSTI NA TEKST SPORAZUMA KOJIM SE OPĆINA CENTAR SARAJEVO I KANTON SARAJEVO OBAVEZUJU DA POVUKU TUŽBENI I PROTIVTUŽBENI ZAHTJEV;

B) PRIJEDLOG ODLUKE O DAVANJU SAGLASNOSTI NA TEKST UGOVORA O KORIŠTENJU DIJELA POSLOVNE ZGRADE IZMEĐU OPĆINE CENTAR SARAJEVO I KANTONA SARAJEVO

TAČKA JE SKINUTA SA DNEVNOG REDA NA PRIJEDLOG PREMIJERA KONAKOVIĆA.

AD –8.

IZVJEŠTAJ O STANJU U OBLASTI ZAPOŠLJAVANJA U KANTONU SARAJEVO ZA 2016.GODINU

Izvještaj su zastupnici dobili uz poziv za sjednicu.

Uvodnih napomena nije bilo a za pitanja su se prijavili zastupnik Edin Forto i Sabina Ćudić.

Nakon kratkih komentara, i ova tačka dnevnog reda je povučena od strane predlagača.

AD – 9.

ELABORAT - INICIJATIVA ZA OSNIVANJE JU NAUČNI CENTAR ZA PODRŠKU INKLUZIJI

Elaborat su zastupnici dobili uz poziv za sjednicu.

Predstavnici predlagača Senada Bajrović predsjednica Savjeta roditelja EDUS-a i Zlatan Velić su se obratili Skupštini te dali uvodne napomene po Elaboratu-Inicijativi za osnivanje JU Naučni centar za podršku inkluziji.

Nakon uvodnih napomena, Sabina Ćudić se obratila Skupštini predložila da Skupština po ovom Elaboratu donese određene zaključke i nakon njenog prijedloga Vlada i šefovi Klubova zastupnika su održali kratki sastanak na kome su dogovoreni zaključci i obaveze koje proizilaze iz njih. Također, zastupnica Ćudić je napomenula da se za prvi Zaključak daje rok od 3 mjeseca.

Na osnovu člana 120. Poslovnika Skupštine Kantona Sarajevo („Službene novine“ Kantona Sarajevo – prečišćeni tekst broj 41/12) kojim se propisuje da zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona, ili drugih propisa i općih akata, ili vršenja drugih poslova iz njihovog djelokruga. Skupština je jednoglasno (28”za”) donijela sljedeće

ZAKLJUČKE:

- 1. Zadužuje se Vlada Kantona Sarajevo da u narednih 15 dana pristupi osnivanju interresorne grupe za sistemsko rješavanje pitanja programskih, prostornih i kadrovskih rješenja za djecu sa poteškoćama u razvoju u specijalnim javnim ustanovama u Kantonu Sarajevo sa Elaboratom kao radnim materijalom.**
- 2. Zadužuje se Ministarstvo za obrazovanje, nauku i mlade Kantona Sarajevo da pothitno, zaključno sa 15.12.2017.godine, izade sa prostornim i kadrovskim rješenjem za svu djecu sa poteškoćama u razvoju do kraja školske godine 2017/18.**
- 3. Zadužuje se Vlada Kantona Sarajevo da za gore navedene namjene odvoji potrebna finansijska sredstva u Prijedlogu budžeta Kantona Sarajevo za 2018.godinu.**

AD – 10.

INFORMACIJA O STEPENU REALIZACIJE SKUPŠTINSKIH ZAKLJUČAKA ZA ČIJU JE REALIZACIJU ZADUŽENA VLADA KANTONA SARAJEVO

Pod ovom tačkom dnevnog reda zastupnicima su dostavljeni izvještaji iz KJKP “Vodovod i kanalizacija” te KJKP “GRAS” i o njima će zastupnici raspravljati na sljedećem zasjedanju Skupštine.

S obzirom da su iscrpljene sve tačke Dnevnog reda današnje sjednice u 18,37 sati predsjedateljica Ana Babić je zaključila rad na 35. Radnoj sjednici.

Zapisnik izradila:

Jasminka Deliahmetović

Po ovlaštenju

S E K R E T A R

SKUPŠTINE KANTONA SARAJEVO

Almira Kulovac Šetkić, dipl. Pravnik

P R E D S J E D A T E L J I C A

SKUPŠTINE KANTONA SARAJEVO

Prof. Ana Babić